

## Nwa' wvu Jem

### Fiεε fi nu ê Nwa' Jem wvun e

Nwa' wvun to san Jem fô bonyii bo Nyo' le bocii bô to nu ε tawse won e tfuu. Nwa' Jem wvun nyaa bontefe nteen no è nulo é wee Klistu eceè ê bonyii ente. Fiεε fi wee wvù san nwa' wvun baay leeme yî dvú le nu ε wee Klistu egeè mwεεm ε è nu mvù dunçi le wvú nu ε lese fitele yi Nyo' le.

*Bikuu bi mwεεm e ê nwa' wvun e*

1:1 Keηkεwce

1:2-8 Keelese fitele yî Nyo' le bô bvufee bvù nen'yi fô Nyo' le

1:9-11 Kefufe bô kpaw

1:12-18 Mmom bô mwεεm mvù teeyi bonyii

1:19-27 Keeyuuke gee

2:1-13 Fo wee eduñçi kejεεy jεεy

2:14-26 Keelese fitele yî Nyo' le bô gee di leñ

3:1-18 Wee Klistu bô leme diew

4:1-5:6 Wee Klistu bô won wvun

5:7-20 Bontefe jεεy jεεy

<sup>1</sup> Nwa' wvun san me wvù Jem, waa lemme Nyo' bô Tata Jisos Klistu. Me nsan fô dikfuu di bonyii bo Nyo' le di yuufe ncow difεε di nu ε tawse won e tfuu. Me ngayte ben e. \*

---

**1:1** Mat 13:55; Lem 12:17; 15:13; 21:18; 1Kol 15:7; Gal 1:19; 2:9; 1Bi 1:1 \* **1:1** Dikfuu di bonyii bo Nyo' le nu Bojuu bô nu ε lese fitele yi Jisos Klistu le, ε bó ε tawse ε no cee bitum bimew e.

*Keelese fitele yî Nyo' le noo keefeefene*

<sup>2</sup> Boom bo bwεem e, é mmom too fô ben e jé le jé le, é ben jo le è nu bvujonke.

<sup>3</sup> Me njemyi nonen njefo no ben fele ê mmom ente, leese ke fitele yî Nyo' le, nu ε yî nu ege é ben ekee keekuu shém ntay.

<sup>4</sup> Ben ekuulè ke shém nonen egen emese, wvu le ben enu bonyii bò nu ε taw ε kocen, yaa tane fiεε yî yene le ke.

<sup>5</sup> E wee mvu ben e tane bvufee keekiεε fiεε fi Nyo' gomte, é wvú lεke ε è nu ê Nyo' é wvú enya. Nyo' nu wvù nyaa ê wee tfuu bò fitele ficii yaa waale wee ke.

<sup>6</sup> Geen, wee edioo elεke no leeme ke bò Nyo' fitele fimwaan, yaa maηene ke. Ben ekeè le wee wvù maηene nu diεwe joo yi baay yî fwefwe bvuyte ε yî shεεηke bii jò wvú gene.

<sup>7</sup> Fo wee diεwe wvuwe le ekpwaakè le wen nu ke elεke fiεε ê Nyo' ekeηke ke.

<sup>8</sup> Wvuwe wee nu wvù keηke mvuntelem mvunfεem, tuwtene lo yî fiεε ficii fi wvú gee le.

*Bonyii bo kefufe le bò bo kpaw e*

<sup>9</sup> Wee mbee wvù fuute eyuukè njon le Nyo' nu ε bense wase wvú,

<sup>10</sup> é wee kpaw eyuukè njon le bó nu ε shike wase wvú, njefo wvú nu ke egen ecine kpaw we le ke leηleη no fow ké looke yî εgay e ke nε yeε.

<sup>11</sup> No diuu ké sane dioo baa ton'yi ε εgay yowlen, ε fow wvù yî dvú le yeε, ε bvujonke bwew ka, nu

---

**1:2** Lum 5:3-5; 1Bi 1:6-7      **1:5** Bηgn 2:6      **1:6** 5:13; Mat 7:7;  
21:21-22; Eε 4:14      **1:9** 2:5      **1:10** Job 14:2; Mben 90:5-6; Yeεa  
40:6-8      **1:10** 5:1

ke leηleη no wee wvù ghane kujene kpawaw we nu ke egeη.

*Mmom bô mwεem mvù teeyi bonyii*

<sup>12</sup> Njoh wvu baay nu wvu wee wvù kuule shém seke mmom ε to fô wvù le, njefo è nu seke wvù ε leem ε teme, é wvù ke ekeηke kefo ke bvunfon e kè è nu nshii wvù mey lo kè Nyo' nu ε kaw wee tfuu wvù kooηke wvù dvù.

<sup>13</sup> Fo fiεε ké dioo teeyi wee le wvù ege kebefε, ε wvù no duù le è teeyi Nyo' wen ke, njefo ke è nulo é fiεε etele Nyo' le wvù ege kebefε ke. E ke Nyo' ké no teeyi fiew wee ke.

<sup>14</sup> Fiεε fi ké tele wee nonεη, nu mwεem mvù befe mvù wvù keηke shiee yî dvù le, é mvù dioo ε lewce wvù mum wow,

<sup>15</sup> é shiee wvun ké teme, mum to bô kebefε, é kebefε ké dioo ε ku ε kocεη, to bô kpwe.

<sup>16</sup> Boom bo bwεem e bô nu shém yem, fo ben elεεlè bikuu binεη ke.

<sup>17</sup> Mwεem mvunciim mvù jee nu leη, mvù beene keηke nen'yi ε è nu fowe fô Nyo' le. E nu wvù Cee Mbom mwεem mvunciim mvu fowe mvù nyaa n'yuu. Ke Nyo' kumene diεwe kenjinjin e kè ké no kumene mondvuum ke.

<sup>18</sup> E nu wvù wvù to cawεε beene nya beene bô diεw yî nu keceey ε yî nya nshii wvu fwe é beene, wvu le beene enù fiεε fi fwe fi wvù to balεε le è nu naa fiew εnte jo mwεem mvunciim mvù wvù to bomεε.

*Keeyuuke diɛw Nyo' gee no yí gomte*

<sup>19</sup> Boom bo bwεεm e bò nu shém yεm, ben ekiεε  
 le wee tfuu keηke keenu cekey keenya bitem yí fiεε  
 le, joð wεε bò njeme, joð wεε bò shém yì ton'yεεn,

<sup>20</sup> njefo ke wee wvù ton'yi shém nulo ege fiεε fi  
 teytey fi Nyo' shieele ke.

<sup>21</sup> Fí ε no nu le, ben ecinε nce nnyεn e noo keηge  
 kè tεmyi le, eshike bikuu binεn, efiεen diɛw Nyo' yì  
 Nyo' nu ε lese fô mvuntelem mvunεn e. Diɛw yin  
 nu yì nulo eboyse ben.

<sup>22</sup> Fo ben elεεlè bikuu binεn keeyuuke ke lo diɛw  
 Nyo' maan ke. Ben egeè no yí gayte.

<sup>23</sup> Wee wvù yuuke ke lo diɛw Nyo' yaa gee no yí  
 gayte, nu diɛwε wee wvù nu ε taa bvushiw bwew ê  
 kenkεy e,

<sup>24</sup> no wvù tale nonεn, ε base jim ε mum ε kase ε  
 daayε no nfieεεn ye nu.

<sup>25</sup> Geenεn, wee wvù looci taale ê nci wvù taashi  
 bonci bocii bvuu bvuuεe bonyii bvunfaw e, leeme  
 yì dvú le sekecii, yaa daayi fiεε fi wvù yuuke ε  
 wvù jemyi, gee no wvù gayte, nu ε Nyo' nu ke elan  
 kembonεn yì fiεε ficii fi wvù gee le.

<sup>26</sup> ε wee teηe εkolε kew le wen looci nu wee  
 mbee, ε fanε yaa ejici leme diew e, tu wvù lεεle  
 εkolε kew, ε fiεε fi wvù teηe εkolε kew le wen nu  
 wee mbee nu εcici.

<sup>27</sup> Mbee wvù Nyo' Icee wesebeene yεne ε è nu  
 wvu leη bvuu yuule ê wvù ejise, nu wvu wee wvù  
 taale fô boom bo bonkfu le noo fô boke' bo bonkfu le

---

**1:19** 3:2; Bηgn 15:1; Εkle 7:8-9    **1:21** Kolo 3:8; 1Bi 2:1    **1:22** 2:17;  
 Mat 7:24, 26; Lum 2:13    **1:25** 2:12, 24; Mben 19:7; Jon 13:17; Lum  
 8:2; Gal 6:2    **1:26** 3:2, 10; Mben 34:13; 141:3    **1:27** Mben 10:14,  
 18; Yεsa 1:17; Mat 25:35-36

seke bó nu yí ngɛw e. Ɛ è bvuu nu tɛn wvù kemsene bó ɛkolɛ kew fo mwɛɛm mvu yí nshɛ le fɛn elom wvú.

## 2

### *Fo ben edunçi kejɛɛy jɛɛy ke*

<sup>1</sup> Boom bo bwɛɛm e, no ben nu ɛ lese wase fitele yí Tata wesebeene wvù Jisos Klistu wvù nu Tata bvukukɛ le, fo ben edunçi kejɛɛy jɛɛy ke.

<sup>2</sup> Me njemyi nonɛn njefo è nulo é bonyii bofɛɛ ɛnɛ eley yew yene nshii le, ɛ wvumvu ɛ jise ndvú ɛ yí jee, ɛ lese mvuncaw ɛ bó ɛ kene bó ketwaa ke bigew e kè yɛɛle, ɛ wvumvu wee nu fiew wee kefufe, ɛ wvú ɛ jise ndvú ɛ yí ɛ sawyɛ.

<sup>3</sup> Ben ɛ nɛ ɛ gay ê wee kefufe le, “Leem fofe,” kɛnɛɛ le, “To eshii fokuse fɛn nshɛ le,” ɛ mum ɛ nya bvufee ɛ è nu yí wee wvù sufe ye wɛ le, ɛ gay ê wvú le, “Kɛ to eshii fɛn wee wvu baay.”

<sup>4</sup> Ɛ ben nɛ ɛ ge nonɛn, kɛ tu ben nu ɛ tu wase bonyii bò sumtene bonsaw bó mvuntelem mvù yiile? Kɛ fifin yen'yi le ben dunçi kejɛɛy jɛɛy ê ben ɛntelɛɲ e?

<sup>5</sup> Boom bo bwɛɛm e bò nu shém yɛm, ben eyekɛ eyuw, kɛ è nu bonyii bo kefufe le bo fokuse fɛn bò Nyo' nu ɛ caw le bó elooci kɛɲke mbee wvù nu ɛ yiɲsɛn e? Ɛ kɛ è bvuu nu bó bò Nyo' nu ke enya bó bó bvudvuu ɛnte jo bvunfon bwew bvù wvú to kawɛɛ wee tfuu wvù kooɲke wvú dvú le?

---

**2:1** 2:1-9; Dito 1:17; 10:17; 16:19; 2; Job 34:19; Mben 82:2; Bɲgn 24:23; Mat 5:45; Lem 10:34; Lum 2:11; 10:12; Gal 2:6; Ɛfɛ 6:9; Kolo 3:25; 1Bi 1:17      **2:5** 1:9; Luk 6:20-21; 1Kol 1:26-28; Mwɛm 2:9

<sup>6</sup> Geenɛn, ben nen'yi finɛn kaa no shoose lo wee kefufe ê yiyɛ je le, yɛne ɛ è nu wee kpawaw e. Bonyii bò nu ɛ ben ɛ shii yí yene le guute ben gene dvú yéw bonsaw e nu baa? Ke è nu bonyii bo kpawaw e le?

<sup>7</sup> Ke è bvuu nu ke bó bò jemyi díew yí befe ekumɛ diee di Tata wvù kenke ben e le?

<sup>8</sup> Ben elooci geele nci Nfon wvù Nyo' wvù nu ê Nwa' we le. Nci wvun nu le,  
 “Ɛ koonkè waa bwoo no wo koonke ekole kuw.”  
 Ɛ ben gee nonɛn, tu ben gee len.

<sup>9</sup> Geenɛn, é ben dunɔi kejɛy jɛy no me mbe njeme wase, tu è nu kebefɛ ɛ ben gee, tu ben nu ɛ ngoy nci wvú ɛ koo ben.

<sup>10</sup> Ben ekeè le é wee geele naa bonci bo Nyo' le bocii, ɛ ke ɛ ngoy mwaan, tu wvú nu ɛ ngoy wase bocii.

<sup>11</sup> Ɛ fí nu nonɛn, njefo Nyo' wvù to gayɛɛ le,  
 “Fo wo ejaɲ kpweɛ wee ke”  
 nu ke ten wvú wvù to gayɛɛ le,  
 “Fo wo eyu wee ke.”

Ɛ wo nu se wo nu ɛ jaɲ kpweɛ wee, geenɛn ɛ yu wee, tu wo nu ɛ ngoy ke nci Nyo'.

<sup>12</sup> Nonɛn, ben ejemyi bvuu geè mweɛm diɛwe bonyii bò Nyo' nu ke esaw bó bii nci wvù bvuuuse bonyii bvunfaw e.

<sup>13</sup> Ben ekeè le Nyo' nu ke dioo saake nsaw, wvú saa ekoole shen fô wee wvù to baa koole shen fô wee mvu le ke. Geenɛn, wee wvù koole shen nu wvù nu ke eboy yí nsaw e.

*Fieɛ fi dunɔi le wee nu ɛ lese fitele yí Nyo' le nu gee diew di len*

---

**2:8** LeW 19:18; Mat 22:39; Lum 13:9      **2:9** 2:1      **2:10** Mat 5:19;  
 Gal 3:10; 5:3      **2:11** Ksm 20:13-14      **2:12** 1:25      **2:13** Mat 5:7;  
 7:1; 18:32-35

14 Boom bo bwεεm e, é wee nε ε no duu le wen nu ε lese fitele yî Nyo' le, ε gee diew yaa duŋci nonεn ke, é fifiε ke efi wvú yî la le? E nulo é fitele fi wvú lese fidvu ke eboyse wvú?

15 Bó ejo le, é waa bwoo wvù diemsεn kεnεε wvù kpwoon nε ε no tane ndvú bô mwεεm mvudien mvu εdiuw εcii,

16 ε to fô wo le, wo ε gay ê wvú le, “Nyo' elan kembonεn yî yo le é wo ekeŋke ndvú bô mwεεm mvudien.” E wo gay ke lo nonεn, se wo ε nya wvú bô mwεεm mvù wvú shieele, é fifiε efi wvú yî la le?

17 Ben baa yεn le le é wee duu le wen nu ε lese fitele yî Nyo' le, se gee diew duŋci nonεn, tu fitele fi wvú lese εfinεfin nu εcici?

18 Wee mvu nulo enε egay le, fi wee mvu le nu ε wvú ε lese ε è nu fitele yî Nyo' le, ε fi wee mvu le nu ε wvú gee ε è nu gee di leŋ. Me ε mum ε no ŋgayte le wvú eduŋce no è nulo é wee elese fitele yî Nyo' le se gee diew nu leŋ, é me nduŋce ê wvú no me nu ε nlese fitele yî Nyo' le ε è nu yî gee diem di leŋ e.

19 E wee nu ε bee le Nyo' nu mwaan, tu è nu leŋ. Geenεn, naa bonceendaa bo dεwle le tεn nu ε bee ke nonεn ε no fane, ciŋke.

20 Wvuwε wee nu keyuŋ. Wvú gomte le me enduŋce le é wee lese fitele yî Nyo' le se gee di jee ŋkuuŋ, tu è nu εcici?

21 Kε fiεε fi to gee ε Nyo' yεn le Aba'am wvù icee wesebeene nu ε kocεn wee we le to nu gee diew di leŋ e? Wvú to nu ε jo waa we wvù Aysik, jike yî ketan ke ncese le keege ncese dvú fô Nyo' le.

---

**2:14** Mat 7:21; 1Jon 3:17    **2:15** Mat 25:35-36    **2:17** Gal 5:6, 16, 22-24; 1Jon 3:18    **2:19** Dito 6:4; Mat 8:29; Mak 1:24    **2:21** Ken 22:1-18; Lum 4:1-5, 13-16, 19-22; Ibu 11:17

22 Ben ε yεν λε λε fitele fi wvú to leseε yî Nyo' le bô gee diew di λεη to λενε εκλε kemwaan e? Gee diew di λεη to nu ε dunçε λε fitele fi wvú to leseε yî Nyo' le to nu ε yiηsen.

23 Ε φί mum kocεν no bó to sanεε ε Νwa' Nyo' le λε, “Abla'am to nu ε lese fitele yî Nyo' le, nje nonεν, ε Nyo' yεν λε wvú nu wee wvu teytey.”

Ε bó mum no tenje wvú λε nsaa Nyo'.

24 Ben ε bvuu ε yεν λε λε fiεε fi ké ge ε Nyo' yεν λε wee nu ε kocεν wee we le nu gee diew di λεη, ε ε yaa mεy κε fitele fi wvú lese yî Nyo' le maan κε?

25 Ε nu κε λεηλεη no fi La'ab wvú to nu kpwoon nsake le to nu. Fiεε fi to gee ε Nyo' yεν λε wvú nu ε kocεν wee we le to nu gee diew di λεη. Wvú to nu ε fiisen bonkee bo Islael ε wvú yew, ke dunçε je yimi jεεy yi bó etu jim jó.

26 Fí ε no nu λε, κε no keyoy cin'yi nyam ye le ε yí mum no nu wase fiεε fi εcici, nu κε λεηλεη no wee lese fitele yî Nyo' le se gee di λεη ηkuuη tu φί nu εcici.

### 3

#### *Wee eshe bô leme diew*

1 Boom bo bwεεm e, fo ben nteen egomtè keenu bonyii bo n'yεεyi le κε. Κε ben kee ntay λε bonyii bo n'yεεyi le nu ε wvubo nsaw nu ε bó nu ke eloocε etasse ntay?

2 Ε nu kecεεy λε beene bocii gee bojay nteen. Geenεν, ε wee nu dvú wvú yaa ké jay njeme κε, tu ε nu wee ε wvú ε kocεν, bvuu kee ten keekemsεν bô εκole kew.



<sup>3</sup> Beene ké jo ncaw lese emvu jo nyambala keege le yí eyuukè beene le. E beene mum no banse nyam yidvu dvú ε yí gene jò beene gomte.

<sup>4</sup> Ben eyen ten no ηguw wvu ê joo nu. Wvú kuuke naa ntay, ε fwefwe wvù temyi ké no domsee. Geenεn, ε fiεε fi wee wvù guute ηguw banse dvú ε wvú gene jò wvú gomte, nu κε nen caan.

<sup>5</sup> E nu κε lenlen no leme nu. Dí nu κε lo fiεε fi caan yí wee le. Geenεn ké no jemyi mwεεm mvù temyi baay.

Κε ben kee no è nulo é ηguy ekpway nen kpwayy, ekoo, eshike ekowe kecile fokuse?

<sup>6</sup> Leme nu κε ten diewe ηguy e. Mwεεm mvù befe mvu fokuse fen nu ε tase yí leme di wee le, lamte beete bô ye wee yicii. Leme ké fwεε ηguy ε wvú befe bô nshii wee tfuu. E ηguy wvun nu ε leme joo ε è nu fô ηguy wvu baay e.

<sup>7</sup> Bonyii nu ε mom wase keeyεyi dikfuu di nyám e dicii. Bó nu ε yeεyi wase nyám yi ηkpwaante bô mvunyiim noo nyám yi sone bô yi ê joo.

<sup>8</sup> Geenεn, κε wee nu naa lo dvú wvù nulo eyεyi leme κε. Leme ké no wewte κε lo, ε dí ε yinšen bô kebefε ε è nu kè nulo eyu wee κε diewe edien ε fimbuw e.

<sup>9</sup> E nu leme din di beene ké no bensee Tata wvù Icee wesebeene dvú, ε è bvuu nu κε dí di beene ké no nan'yi bonyii dvú, ε bonyii ban nu ε è bom Nyo' ε bó fiεesene wvú.

<sup>10</sup> Diuw mwaan ε mum ε no bvuuuse mbense bvuu bvuuuse boncun. Boom bo bwεεm e, κε fí kenke keenu nonεn κε.

11 **Ɛ** nulo é joo yì yuule bô keduuduu ebuyte diuw mwaan e?

12 Boom bo bwεεm e, è nulo é fimbi eyum yî εfele le? Nuu le è nulo é ntulun eyum yî εfele le le? Ke è nulo ten é diuw joo lew ebvuuse joo yì jee ke.

### *Bvufee bvù nen'yi fowe*

13 **Ɛ** nu γεε ê ben ente wvù duu le wen feefene bvuu kee fiεε? Mwεten edunεε ekole kew yî nce we wvù jee bô gee diew di len di wvù gee yaa saale ke ye, no wee wvù feefene ké no nu.

14 Geenεn, é wee ffuuke bô kenḡhew noo ken'yεε ejise fô fitele le, fo wvù esaalè ye le wen feefene lo ke. **Ɛ** wvù ge nonεn, tu wvù tune keceey.

15 Ke kfuu bvubwε bvufee yaa nu bvù fowe ke. **Ɛ** nu bvù yî nshε le, ε è nu bvù wee wvu wum e, ε è bvuu nu bvù dεwle le.

16 Ben ekeè le naa fεε fô bonyii kenḡke kenḡhew bô ken'yεε ejise, nu ε mwεεm ké no bvuuḡke ke lo fó. **Ɛ** bó no gee dikfuu di mwεεm mvù befe le mvunciim.

17 Geenεn, wee wvù kenḡke bvufee bvù nen'yi fowe ké no yuule, koonḡke nyεkeey bvuu nu wεε, nyaa ten bitem ê wee mvu, nu ε wvù ε yiḡsen bô shen noo gee di jee, yaa dunḡi kejeey jεey ke, yaa kenḡke díew fiεε ke.

18 Bonyii bô gεεle nyεkeey, jewyi ḡgow yì è nu nyεkeey, ε ḡgbwele no nu nce wvu teyḡey.

---

**3:12** Mat 7:16

**3:13** Lum 12:16

**3:14** 1Kol 3:1-3; Gal 5:20-6:4

**3:15** 1:5, 17

**3:17** Mat 5:48; 1Kol 13:4-7; Gal 5:22-23; Fili 1:9-11

**3:18** Mat 5:9

## 4

*Keekoonyke mwεem mvu yi nshε le beete bô wee Nyo'*

<sup>1</sup> Fiεε fi nεn'yi no too bô waa noo bvudiuw ε ben εntelεη nu la? Kε ε nu shiee mwεem mvù ye yene gomte mvù ffuuke shém yene le le?

<sup>2</sup> Ben dioo shieele fiεε sε ben ε κεηκε mum no gomte keeyu wee sε κεηκε. Ε ben ké dioo bvuushi εjise yi fiεε le, ε fi fufe, ε ben mum no waale, diuu. Fiεε fi gee ε ben nu sε ben κεηκε mwεem mvun nu njefo κε ben ké no lεke ε Nyo' κε.

<sup>3</sup> Ε ben ké dioo ε cim ε lεκε, ben saa κεηκε κε, ε ε nu njefo κε ben lεke bô bonkpawce bo lεη κε. Ben lεke mwεem ε ε nu κε keege mwεem mvù ye yene gomte dvù.

<sup>4</sup> Ben nu naa lo diεwε bokεnε bô nu ε cinε wase bolemε bobole ε no gee ε ε nu nsake le. Kε ben kee lε ε wee kole nsan bô won wvun, tu wvù nu ε tu wase wee bvuban fô Nyo' le le? Nonεn, ben ekeè lε ε ε nu naa yεε wvù nu ε caw fiew keekoo nsan bô won wvun, tu mwεtεn nu ε tu wase wee bvuban fô Nyo' le.

<sup>5</sup> Ε nulo ε ben eghan nεε sε no kpwaake lε fiεε fi bó to sanεε ε Nwa' Nyo' le nu εcici? Bó to nu ε san lε, “Nyo' κεηκε shiee, beele baay fô keyoy kè wvù to gεκεε lε kí enù yi yese beene le.” \*

<sup>6</sup> Nyo' fii naa beene baay. Ε nu fiεε fi bó sanεε ε Nwa' Nyo' le lε,

---

**4:1** Lum 7:5; 1Bi 2:11    **4:2** 1Jon 3:16    **4:4** Mat 6:24; Jon 15:18-19; 1Jon 2:15    \* **4:5** Kenεε lε “Keyoy ke Yuule kè Nyo' to nyae ε beene κεηκε shiee, beele baay lε beene eleemè κε beene ε bo Nyo'.”    **4:6** 4:10; Bηgn 3:34; Mat 23:12; 1Bi 5:5

“Nyo' shiwse bonyii bò bensee bikuu bibole, geenen buuke bonyii bò shiwse bikuu bibole bô nfi.”

<sup>7</sup> Nonen, ben enya bikuu binen ê Nyo', ebon njan ben ε bo dewle é wvú efεε lo ê ben ejim.

<sup>8</sup> Ben eto nceencee mbew Nyo' le, é wvú eto ten nceencee mbew yene le. Ben bonyii bò befe ebvushε can fô mwεεm mvù befe le, ecukε mvuntelem mvunen ben bò leeme mvuntelem mvunfεεm ben ε bo Nyo'.

<sup>9</sup> Ben enù bô yii, beelè shiwsè misεm nen wowwow. Ben elu bô dikie, ebeelè ε è nu kpwe, elu bô njon wvù ben yuuke, esod ε è nu bikuu.

<sup>10</sup> Ben eshike bikuu binen ê Nyo' ejise, é wvú ecake ben we.

*Fo wee elomte gee di waa bwee le ke*

<sup>11</sup> Boom bo bwεεm e, fo wee ejemyi díεw yì befe ekumε waa bwee ke. E wee jemyi díεw yì befe ekumε waa bwee kenεε lomte gee di waa bwee le, tu wvú jemyi díεw yì befe ε è nu ekumε nci Nyo' bvuu lomte nci wvudvu. E wee lomte nci Nyo', tu ke wvú bεε wee wvù gεεle nci ke. Wvuwε wee nu ε tu wase wee wvù saake lo nci. †

<sup>12</sup> Wee wvù nyaa nci bvuu sumtene bonsaw bo bonyii le nu ke mwaan. E nu ke wvú wvù nulo eboyse kenεε elεse wee. Wo ε no nu yεε wvù lomte gee di waa bwoo le?

---

**4:7** Efε 6:12; 1Bi 5:8-9    **4:8** Mben 18:20, 24; Yεsa 1:16; Saka 1:2-3; Mala 3:6-7    **4:9** Luk 6:25    **4:10** 4:6; 1Bi 5:6    **4:11** Mben 101:5; 1Bi 2:1    † **4:11** Nci wvun nu le, “E koonkè waa bwoo no wo koonke ekole kuw”. E è bvuu nu ke wvú wvù Jem gayte le wvú boysee bonyii. **4:12** Lum 14:4; 1Kol 4:5

### *Fo ben esaalè ye ke*

<sup>13</sup> Ben eyeke eyuw, ben bò nen'yi no duu le, “Eben kenεε ntfuu nu ε bese nu egeη kin kelaante le kenεε keki le, ece jó yî kelum e, ekamεm way, ekeηke σεw.”

<sup>14</sup> Ben ké dioo jemyi nonen no kee fiεε fi nu ebuy ekooy ntfuu le? Ben kee fiεε fi è nu nshii wene? Nshii wene nu diεwε kekfu kè bó yeηe kí le, moocε caan ε kí ε la wase.

<sup>15</sup> Fiεε fi ben bee ejemyi nu le, “E Nyo' feη nu ε bee le bese enù dvú, é bese ke ege fin fiεε ebvuu ege ffi.”

<sup>16</sup> Geenεn, ben nen'yi finεn kaa no saale lo ye, kfunε gvuw. Ben ekeè le keesaale ye nonen nu kebefε.

<sup>17</sup> Nonεn, é wee kee fiεε fi leη fi wvú keηke keege, ε faηε yaa ege, tu wvú nu ε ge kebefε.

## 5

### *Bonyii bo kpaw e eyenè*

<sup>1</sup> Bonyii bo kpaw e, ben eyeke eyuw fiεε fi me njemyi. Ben ebeelè, fuuǹkè kpwe nje ηgew wvù nu ke eto fò ben e.

<sup>2</sup> Kpaw wene nu ε fo wase, shéw ε kan ndvú yene.

<sup>3</sup> Mwεεm mvunεn mvu bigew e nu ε duwse wase. Nduwse wvun nu ke eduηce nce wene ken'yεε ejise, ebvuu edie ye yene diεwε ηguy e. Eyan nu wase εdiuw yo fokemεse, ε ben baanci ke ε è nu kpaw.

**4:13** Bηgn 27:1; Luk 12:18-20      **4:14** Job 7:9-10; Mben 39:5-6

**4:15** Lem 18:21; Lum 1:10; 1Kol 4:19; 16:7      **4:16** 1Tim 6:17; 1Jon 2:16      **4:17** Luk 12:47      **5:1** Bηgn 15:6; Yεsa 5:8-10; Amo 6:3-7

**5:1** 1:10; Luk 6:24      **5:2** Mat 6:19-20

<sup>4</sup> Ben etaa eyen, ben nu ε λεε bonyii bò lemte ηεε yene. Bó nu ε gbwele wase mwεεm mvunen ben ε fan keelaw bó, bó ε no beele. Bó nu ε bee wase Tata Nyo' wvù keηke Mvunḡay Mvunciim ε yuw kpwe yibo.

<sup>5</sup> Ben nu ε ce wase fokuse fεn ε die bikuu binen no ye yene shieele. Ben nu ε dieken wase ε fanken diεwε binson bi nyám e bì cεyte diuu di bó nu ke esane le.

<sup>6</sup> Ben nu ε bon bikaa ê bonyii εjim bó ε ley ηḡew e. Ben ε yuwye bonyii se bó nu ε jay fiε ηkuuη, ε è nu bonyii bò nulo saa ebon ηaη ben ε bó ke.

### *Bonyii bo Nyo' le enù nyεkeey*

<sup>7</sup> Boom bo bwεεm e, fí mum è no nu λε ben enù ke nyεkeey egen ebuy seke Tata nu ke ekase eto. Ben etaa eyen no bonyii bò lemte ηεε ké no nu nyεkeey ḡen buy seke bó ké gbwele ηḡu yì jee ηεε yibole. Bó ké cεy ε jaη ghan gbwe ε bó jewe mwεεm, ké cεy ε mvú ghan be.

<sup>8</sup> Ben ten enù ke nyεkeey nonen. Ben eleemè ke temyi njefo kefew kè Tata Jisos nu ke eto nu wase nceencee.

<sup>9</sup> Boom bo bwεεm e, fo wee ewvukenè waa bwee ke. Wee wvù wvukene waa bwee nu ke ekεηke nsaw. Wee wvù nu ke esumtene bonsaw nu wase ê yew fwese.

<sup>10</sup> Boom bo bwεεm e, ben ejo kenfewsεn fô bonyii bo ntum e bo Nyo' le bò to ké no jemyi ê bonyii ê diee di Nyo' le. Bó to yene bonḡew, nu ke nyεkeey.

**5:4** Ksm 3:7; Lεw 19:13; Yeli 22:13; Mala 3:5      **5:5** Yeli 12:3; 25:34

**5:7** Jue 2:23; 2Bi 3:3      **5:8** Lum 13:11-12; 1Tes 5:5-8; Ibu 10:25, 37

**5:9** Mat 7:1-2      **5:10** Mat 5:12; Ibu 11:32-38

11 Beene nu ε yεν λε bonyii bocii bò to nu ε kuu shém γεν mεse nu ε Nyo' ε lanj kembonen yî bó le. Ben nu ε yuw wase ekumε Job no wvú to kulεε shém γεν mεse, ε bvuu ε yuw ten no Tata Nyo' to ghanεε banke ηγεw we ε è tu bvujonke. Tata to ge nonεν, njefo wvú camte shen bô bonyii, koole yii fô bó le.

12 Boom bo bwεem e, fiεε fi fele mwεem mvunciim nu λε, fo wee ke dioo jemyi fiεε kan naa lo κε. Kenεε wvú kane ε è nu won Nyo', kenεε wvú kane nshε, kenεε è nu fiεε diee la. Ε wee beηe fiεε λε, “Εε”, ε è no nu no fí nu. Wvú ε tun λε, “Aay”, ε è no nu no fí nu. Ε ben gee nonεν, Nyo' saa ke ebvuu elese wee ηγεw e κε.

### *Bunle bô mbee fi lo*

13 Ε wee mvu ben e yene ηγεw, é wvú no bunlee. Wee é no yuuke njon, é wvú no yemtè bensee Nyo'.

14 Ε wee mvu ben e cemte lo, é wvú tee bocee kentaashε ke bonyii bo mbee le, ε bó to bunle ê wvú we, yefe wvú bô mεem ê diee di Tata le,

15 é bunle yidvu yî bó bunlee ε bó ε lese fitele yî Tata le, efi wvú é wvú ebonεν, é Nyo' ecake wvú we. Ε è fen nu ε wee wvudvu ε ge kebefε, é Nyo' elεshε enya ê wvú.

16 Nonεν, fí è no nu λε, é wee ge fiεε fi befe, é wvú see ê waa bwee, é wee ebunle fô wee noo wee le, wvu λε Nyo' efε ben. Bunle wee wvu teytey kenke mvungay baay gee mwεem nteen.

17 Ben ejo kenfewsεν yî Elayja le. Wvú to nu κε wee wvu wum diεwε beene le. Ε wvú ke bunle

**5:11** 1:12; Ksm 34:6; Job 1:21-22; 2:10; 42:10-17    **5:12** Mat 5:34-37

**5:13** 1:5-6; Lem 16:25    **5:14** Mak 6:13    **5:15** Mat 9:2; Mak 16:18

**5:16** Mben 32:3-5; 38:4-6; Bηgn 28:13; 1Jon 1:8-9    **5:17** 1Bfn 17:1

shiee le ɛ fo jaŋ egbwe yî nshɛ le kɛ. Ɛ jaŋ mɛy kɛ we nonɛn yî bilum e bitete bô kɛŋgawɛn.

<sup>18</sup> Ɛ wvú ke nɛ kase bunle, ɛ Nyo' shike jaŋ, ɛ mwɛɛm kase no kuu yî nshɛ le.

<sup>19</sup> Boom bo bwɛɛm e, é wee mvu ben e nɛ ɛ cinɛ je keceɛy e ɛ no bvuyte lo, wee mvu ɛ jo wvú ɛ tu bô wvú jim,

<sup>20</sup> ɛ wee wvù tu bô wvú jim wɛ no kee ɛ é wee banke wee wvù gee mwɛɛm mvù befe, wvú ɛ cinɛ jé ye yî ɛcici le, tu wvú nu ɛ bvuse mwɛɛn diuw kpwe le, Nyo' ɛ ɛɛshɛ bibefɛ biew bì nu ɛ bí ɛ mâ lo.



**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e